

# 卷七

書名 事物紀原二十卷 正統九年序刊本  
 撰者 宋 高承 撰, 明 陳華等 校  
 卷七  
 內容分類 子-類書 彙考 宋  
 索書號 子部-類書-15  
 編號 C5923100

[彩色首頁1](#)

[東洋文化研究所漢籍目錄 編號: C5923100](#)  
[東洋文化研究所漢籍目錄所藏漢籍善本全文影像資料庫 索書號: 子部-類書-15](#)  
[漢籍善本全文影像資料庫 文本 事物紀原二十卷 正統九年序刊本](#)  
 版權所有: [東京大學](#) [東洋文化研究所](#)  
[使用上的注意事項](#)

事物紀原卷之一上

漢陽府推官 建安陳華批點  
 致仕教諭南平趙弼校正

(天地生植門)

列子曰太易者氣之未見也太初者氣之始也  
 始者形之始也太素者質之始也形氣質具而  
 離故曰渾淪高氏小史曰太易氣象未分太初  
 象始萌太始氣象初端太素形氣變質太極形  
 質已具然則元氣之始自太初也徐整三五曆紀




事物紀原卷第七


漢陽府推官建安陳華批點  
致仕教諭南平趙弼校正

（學校貢舉門）

孟子曰。夏曰校。殷曰序。周曰庠。學則三代共之。公華曰。有虞氏大。孝為上庠。然則學自有虞始之也。通典曰。漢文翁為蜀郡守。起學官。自是天下皆立學。自文翁始也。  
唐禮樂志云。武德二年。詔國學立孔子廟。會要云。六月初一日也。正觀四年。又詔州縣皆作。會要曰。高宗



所  
圖  
書



東方文化學院東京研究所

No. 1472 附

0 1 2 3 4 5 6 7 8 9 10 11 12 13 14 15 16 17 18 19 20

東坡先生  
研經堂  
圖書



總章二年勅天下皆置孔子廟

**配坐**通典曰魏齊王芳正始二年講論語使太常釋奠

太牢祀孔子于辟雍以顏回配享此蓋其始也宋神宗

熙寧中大興學校又以孟子配

**先賢配**唐會要曰貞觀二十一年二月十五日詔以左丘

明等二十二人並令配饗孔子廟堂此其始也

**武學編年**通載曰仁宗慶曆三年五月置武學于武成廟

太公廟唐本紀云開元十九年四月十八日丙申始立太

公廟以張良司馬穰且以下十人為配孫臏范蠡已下

七十二人為弟子。

唐宋取士之制有賢良方正茂材異等六科謂之制舉。曰大科。通謂之賢良。蓋自漢文帝始。

漢武有策秀才之文。漢書補云。進士為時所尚。由此出者。終身為文人。其稱謂之秀才。蓋自憲宗時已為進士之稱也。

進士。諸侯貢賢士者。天子命之。大學曰造士。大樂正。王制及周官樂正之職。蓋進士之始也。撫言云。隋大

業中始置進士之科。此蓋設科之始也。

明經。漢始以明經射策取人。以通經多寡補文學長。故唐有明經之科。開元中崔元瓘上言。問大義十道。時務策三道。

唐選舉志。取士之科。有明經。有進士。有明法。有五經。有三經。有二經。有學究。為舉之常選。學究設科。自唐始。

唐德宗貞元五年五月五日。置三禮科。

穆宗長慶二年二月。尚侑奏。置三傳。及三史科。宋神宗始以經義取士。獨取進士明法二科。餘並廢之。

史記伊尹于湯致于王道伊尹處士湯迎之五反然後往此名處士之始也

**武舉**唐選舉志武后長安三年正月十七日詔天下諸州宜教武藝每年准明經進士舉貢例送赴京師此武舉之始也

**鄉貢**唐會要曰開元十九年六月六日勅諸州貢舉皆于本貫則貢舉之干鄉貫自此始

**三場**貢士前漢惟射策唐初并試雜文天寶十三載舉人問策外更詩賦雜文與經為三場試也

**文**撫言曰進士榜頭立粗黃紙四張以檀筆淡墨書禮

部貢院四字張洎賈即中談錄曰嘗問放舉人榜貢院字用淡墨檀書何也對曰聞諸祖父說李紆侍郎將放舉人榜命筆吏書之吏偶暴卒令史王昶終其事昶被酒揮筆不能加墨遠明張榜始覺已無及矣一榜之均字有二體濃淡相間反致其妍自後因效之遂成故事今用檀書蓋益增其奇麗也

**殿試**通典曰唐武后天授元年二月十四日策問貢士于洛城殿前貢士殿試自此始宋朝會要曰開寶六年三

月。因徐士廉訴知舉李昉不公。太祖御講武殿覆試親試自此始。及第人賜綠袍靴笏。賜宴賜詩。自興國二年。呂蒙正榜始。分甲次。賜同進士出身。自興國八年。宋白王世則榜始。唱名。自雍熙二年。梁顥榜始。封印試卷。自咸平三年始。制謄錄院。封彌宮。覆考編排。皆自祥符八年間始。

世書言故事

**釋褐** 太平興國二年正月十二日。賜新進士及第諸科。呂蒙正以下。綠袍靴笏。御前釋褐。蓋自此始。  
**賜宴** 開寶八年。賜新及第進士。王嗣宗等。錢百千。今為宴

樂太平興國二年正月七日。太宗親試。呂蒙正以下。並賜及第。仍賜宴于開寶寺。兼賜御製詩二首。此賜宴及詩之始也。唐制。禮部放榜後。勅下之日。醖錢於曲江為聞喜宴。景德二年。始置宴於紫林苑。自此為定制。


登科記

唐會要曰。宣宗大中十年四月。禮部侍郎鄭顥進諸家科目十二卷。勅自今後放榜訖。仰寫及第人姓名。付所司編次。撫言曰。高宗永徽已前。俊士秀士二科。猶與進士並列。咸亨後。由文學舉于有司者。競集于進士之列。由是趙傑削去俊秀。故目之曰進士登科記。其事



之始。疑自唐初而獨以登科名記。中起于高宗。趙儼云。  
(經籍藝文門)

**文字** 帝王世紀曰。倉頡取像鳥跡始作文字。李潮蒙取曰。  
倉頡黃帝之臣也。觀鳥跡以作字。鬼夜哭。龍潛藏。字源  
曰。太昊時始有文字。又曰。倉頡獲景龍。作龍書。炎帝因  
嘉禾作穗書。倉頡變古文為鳥跡篆。少昊作鸞鳳書。高  
陽作科斗書。堯因軒轅龜圖作龜書。夏后氏作形似篆  
商務光作倒薤篆。今日垂葉。周瑞赤鸛丹鳥作書。又  
媒氏作填書。今日勒字書。斷曰。古文黃帝史倉頡作大



篆。周宣王史籀作小篆。秦李斯作八分書。秦羽人上谷  
王次仲作隸書。秦獄吏程邈作飛白。漢三中郎將蔡邕  
作章草。黃門令史游作行書。後漢潁川劉德昇作草書。  
王右軍云。古書出于杜伯度。漢章帝所好。故名章草。常  
誕謂之草聖。李翰云。秦時程邈字元岑。始皇用為獄吏。  
得罪幽於雲陽獄中十年。改蔡為隸字。今之楷書是也。  
**經** 太昊始畫八卦。則易之始也。又有網罟之歌。則詩之  
始也。伏羲神農黃帝之書。謂之三墳。則書之始也。易始  
八卦。而文王重三爻為六爻。推八卦為六十四卦。故謂

之周易。夏曰連山。商曰歸藏。周曰周易。是也。濟南伏生以為上古之書。故曰尚書。毛公傳詩。以名家。鄭康成箋之。故曰毛詩。然則五經或因或作。而皆成於仲尼。秦焚六籍。班班僅存。書亡其半。詩亡者六篇。春秋得全。而禮樂之書無復遺文矣。易以上筮。故得全。今禮記又雜出漢儒。如月令出於呂不韋。茶豈。王肅以為周公作。漢文帝令諸儒博士作王制。劉瓛云。公孫尼子作緇衣。而樂記一篇。司馬遷以為公孫弘所著。其樂書在八書之一。他皆雜錯。出自漢世諸儒之撰也。

四部末崇文館所錄書。其經史子集。為甲乙丙丁四部。蓋始于晉李充。按晉書李充傳。李充為著作郎之時。典籍混雜。充以類相從。分為四部。此其始也。續事始曰。魏武置四庫圖。分甲乙丙丁為部。自藏之實錄。又云。晉秘書監荀勗。因魏中經。更以四部別之。惠懷之亂。及李充始加刪正。荀勗四部之法。以甲乙為次。

印版筆談曰。版印書籍。唐人尚未。盛為之。自馮道始印五經之後。典籍皆為版本之印矣。五代會要。後唐明宗長興三年二月。中書門下奏請。依石經文字。刊九經板。

爾雅郭璞爾雅序曰。興於中古。隆於漢代。大抵解詁詩人  
之旨。或以周公所作。劉子駿以問揚子雲曰。孔子門人  
游夏之後所記。以訓詁六藝者也。史記言孔子教哀公  
學爾雅。然則爾雅之出遠矣。

**稱子** 文心雕龍曰。楚鬻熊作書。題曰鬻子。蓋周初時人。此  
名子之始也。

作史帝王世紀曰。黃帝時蒼頡始作文字。史官之作。蓋自  
此始。乃記其言行。策而藏之。史之源蓋始于此。

**著書** 太史談自序曰。昔西伯拘於羑里。乃演周易。此著書

之始也。

**山海經** 其文所記。皆山川草木鳥獸之奇。疑大禹治水所  
過見而識之。莊子所謂齊諧者。志怪也。禹知而召之。益  
見而記之。蓋是也。其書盛行於漢。

**音韻** 筆談曰。音韻之學。自沈約為四聲。及天竺梵學入中  
國。其學漸密也。

**切字** 切字本出於西域。漢人訓字。止謂如某字未用反切。  
然古語已有二聲合為一字。如不可為叵。如是為爾。而  
已為耳。之乎為諸之類。似西國二合音。蓋切字之始。

押韻張孟押韻後序曰押韻肇自顏魯公迄于宋孟在  
聖中准宋韻重編集也。

表編梁大同九年三月顧野王所撰唐高宗上元元年九  
月孫強又增加云。

詩樂書曰伏羲之樂曰立基神農之樂曰下謀夫樂必有  
章樂章之謂詩也則詩起于太昊之世。

五言李翰蒙求曰李陵作五言始變其體其始亦本于詩  
此此彼有屋蕞蕞方有穀之類六帖曰漢谷永作六言  
亦詩公尸來燕來寧之句也。

七言劉義慶世說曰王子猷曰昂即若千里之駒泛泛若  
水中之鳧此語出於離騷東方朔傳曰漢武帝在柏梁  
臺上使群臣作七言之句七言之作蓋始于此。

自漢武帝為柏梁詩使羣臣聯之始有聯句之體。  
顏延年謝元暉作詩相倡歌皆不以韻至唐元稹作  
春深二十首並用家花車斜四字為韻白居易劉禹錫  
和之亦用其韻及令狐楚和詩多次其韻也。

賦詩序六義二曰賦謂直陳其事爾左傳鄭莊公為賦  
大隧之中是後晉御宋王之徒演為別體因謂之賦也。

漢書曰不歌而頌曰賦釋名曰敷布其義曰賦

**論**首卿有正論賈誼有過秦論以首賈為始

**策**始云起自漢武帝策董仲舒又文帝時是錯對賢策是蓋起于文帝策晁錯也

事物紀原卷第七

事物紀原卷之八

漢陽府推官建安陳華批點  
致仕教諭南平趙弼校正

(官爵封建門)

**爵**公侯伯子男謂之爵唐虞輯五瑞備五玉是五等自堯舜始也禮制文嘉曰殷爵三等周五等或謂黃帝立五等爵也

**封建**治華曰黃帝分州畫野得百里之國萬區唐虞列為五等此封建之始也史記曰神農氏衰諸侯相侵則炎